

Na osnovu člana 61. Pravilnika o organizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Sl.novine Kantona Sarajevo" broj: 15/22), Nastavničko vijeće na sjednici održanoj 11.01.2023. godine d o n o s i

## **ETIČKI KODEKS ZA ZAPOSLENIKE I UČENIKE IX RAZREDA KOJI ODLAZE NA EKSKURZIJU U ŠKOLSKOJ 2022/2023. GODINI**

### **I SVRHA I CILJ**

#### **Član 1.**

Utvrđuju se pravila ponašanja i međusobne komunikacije za učenika, učenika i zaposlenika JU OŠ „6. mart“, zaposlenika, učesnika oblika odgojno-obrazovnog rada i predstavnika Agencije i drugih lica (hotelsko i ugostiteljsko osoblje, graničari i carinici, organi javnog reda i druga lica sa kojim učesnici stupaju u komunikaciju). Kodeksom se utvrđuje i postupak prihvatanja obaveze poštivanja njegovih odredbi, te nadzor nad njegovom primjenom.

#### **Član 2.**

Svrha Kodeksa je da se njegovim prihvatanjem i dosljednom primjenom uspostavi primjeren nivo odnosa i kulture, a u cilju jačanja uloge i ugleda škole i kulture življenja uopće.

### **II OPĆI PRINCIPI I NAČELA**

#### **Član 3.**

U ostvarivanju principa Etičkog kodeksa učesnici u realizaciji ekskurzije su dužni da poduzimaju radnje u skladu sa Kodeksom, a naročito:

- Poduzmu sve aktivnosti u cilju sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtom na vršnjačko nasilje,
- Da prema uzrastu doprinose ostvarivanju ciljeva i zadataka obrazovanja i odgoja,
- Da vode računa o načinu postupanja prema ličnoj i imovini drugih,
- Da vode stalnu brigu o ličnoj higijeni,
- Da razvijaju prikladnu atmosferu u toku ekskurzije, suzdržavaju se od glasne priče, galame, dovikivanja i nedoličnih šala,
- Da sve aktivnosti koje su predviđene realizuju do 24<sup>00</sup> sata.

#### **Član 4.**

*Učesnicima nije dozvoljeno:*

- *Da se odnose uvredljivo i nepristojno prema razrednicima, predstavnicima Agencije i drugih lica (hotelsko i ugostiteljsko osoblje, graničari i carinici, organi javnog reda i druga lica sa kojim učesnici stupaju u komunikaciju)-za učenike,*
- *konzumiranje duhana odnosno duhanskih proizvoda (za učenike), a alkohola i opojnih sredstava (za zaposlenike škole i učenike),*
- *odlazak na neprikladna mjesta,*
- *izuzimanje od učestvovanja u realizaciji određenog oblika odgojno-obrazovnog rada od strane učenika/grupe bez saglasnosti i pratnje odgovornih nosilaca aktivnosti tog oblika odgojno-obrazovnog rada,*
- *osamljivanje bilo kojeg učesnika u realizaciji aktivnosti (vozač, vodič, vođa puta, nastavnik) sa manje od tri učenika,*

#### **Član 5.**

*Škola i Agencija su obavezni da osiguraju tajnost podataka o zdravstvenim i drugim specifičnim potrebama učenika, te da preuzmu sve potrebne aktivnosti u cilju ostvarenja zdravstvene i druge zaštite učenika.*

### **III UPOZNAVANJE SA SADRŽAJEM ETIČKOG KODEKSA**

#### **Član 6.**

*Direktor škole (voditelji odjeljenja IX razreda) dužni su upoznati učenike i roditelje sa sadržajem Etičkog kodeksa i ukazati na važnost njegovog poštivanja na ekskurziji, koja će biti realizovana u aprilu 2023. godine. Maršuta ekskurzije je: Hadžići, Mostar, Počitelj, Vodopad Kravice, Neum, Dubrovnik, Otok Lokrum, Neum, Hutovo Blato, Stolac, Blagaj, Hadžići.*

### **IV NADZOR NAD POŠTIVANJEM ETIČKOG KODEKSA**

#### **Član 7.**

*Nadzor nad poštivanjem Etičkog kodeksa za vrijeme ekskurzije vrši direktor ili osoba koju direktor odredi rješenjem.*

#### **Član 8.**

*Kršenje odredbi Etičkog kodeksa predstavlja osnov za pokretanje disciplinskog postupka za prekršioce (učenike i nastavno osoblje).*

## **V POSTUPAK DONOŠENJA ETIČKOG KODEKSA**

### **Član 9.**

*O Etičkom kodeksu upoznati sve subjekte uključene u proces njegove organizacije i realizacije (Nastavničko vijeće, roditelje, učenike). Na roditeljskim sastancima roditeljima dati da potpišu izjave da su saglasni sa putovanjem i odlukama ovog Kodeksa.*

## **VI STUPANJE NA SNAGU ETIČKOG KODEKSA**

### **Član 10.**

*Etički kodeks stupa na snagu nakon usvajanju od strane Nastavničkog vijeća škole.*

*Voditelji odjeljenja:*

- 1. Demić Fuada IX – 1*
- 2. Šehić Esmā IX – 2*
- 3. Selimović Nermina IX – 3*

*Direktor škole:  
mr. sci. **Muhamed Čović***